

יהושע

19	18	17	16	15	14	13	12	11	10	9	8	7	6	5	4	3	2	1
24	23	22	21	20														

הפרק 1

1 | יהי אחרי מות משה עבד יהוה ויאמר יהוה אל יהושע בן נון משרת משה לאמה
2 משה עבדי מת ועתה קום עבר את הירדן הזה אתה וכל העם הזה אל הארץ אשר אנכי נתן להם
לבני ישראל
3 כל מקום אשר תדרך כף רגלכם בו לכם נתתיו כאשר דברתי אל משה
4 מהמדבר והלבנון הזה ועד הנהר הגדול נהר פרת כל ארץ החתים ועד הים הגדול מבוא השמש
יהיה גבולכם
5 לא יתיצב איש לפניך כל ימי חיך כאשר הייתי עם משה אהיה עמך לא ארפך ולא אעזבך
6 חזק ואמץ כי אתה תנחיל את העם הזה את הארץ אשר נשבעתי לאבותם לתת להם
7 רק חזק ואמץ מאד לשמר לעשות ככל התורה אשר צוך משה עבדי אל תסור ממנו ימין ושמאל
למען תשכיל בכל אשר תלך
8 לא ימוש ספר התורה הזה מפייך והגית בו יומם ולילה למען תשמר לעשות ככל הכתוב בו כי אז
תצליח את דרכך ואז תשכיל
9 הלוא צויתך חזק ואמץ אל תערץ ואל תחת כי עמך יהוה אלהיך בכל אשר תלך
10 ויצו יהושע את שטרי העם לאמה
11 עברו בקרב המחנה וצוו את העם לאמר הכינו לכם צידה כי בעוד שלשת ימים אתם עברים את
הירדן הזה לבוא לרשת את הארץ אשר יהוה אלהיכם נתן לכם לרשתה
12 ולראובני ולגדי ולחצי שבט המנשה אמר יהושע לאמה
13 זכור את הדבר אשר צוה אתכם משה עבד יהוה לאמר יהוה אלהיכם מניח לכם ונתן לכם את
הארץ הזאת
14 נשיכם טפכם ומקניכם ישבו בארץ אשר נתן לכם משה בעבר הירדן ואתם תעברו חמשים לפני
אחיכם כל גבורי החיל ועזרתם אותם
15 עד אשר יניח יהוה לאחיכם ככם וירשו גם המה את הארץ אשר יהוה אלהיכם נתן להם ושבבתם
לארץ ירשתכם וירשתם אותה אשר נתן לכם משה עבד יהוה בעבר הירדן מזרח השמש
16 ויענו את יהושע לאמר כל אשר צויתנו נעשה ואל כל אשר תשלחנו נלך
17 ככל אשר שמענו אל משה כן נשמע אליך רק יהיה יהוה אלהיך עמך כאשר היה עם משה
18 כל איש אשר ימרה את פיך ולא ישמע את דבריך לכל אשר תצוו יומת רק חזק ואמץ

הפרק 2

ישלח יהושע בן נון מן השטים שנים אנשים מרגלים חרש לאמר לכו ראו את הארץ ואת יריחו וילכו ויבאו בית אשה זונה ושמה רחב וישכבו שמה

² ויאמר למלך יריחו לאמר הנה אנשים באו הנה הלילה מבני ישראל לחפר את הארץ

³ וישלח מלך יריחו אל רחב לאמר הוציאי האנשים הבאים אליך אשר באו לביתך כי לחפר את כל הארץ באו

⁴ ותקח האשה את שני האנשים ותצפנו ותאמר כן באו אלי האנשים ולא ידעתי מאין המה

⁵ ויהי השער לסגור בחשך והאנשים יצאו לא ידעתי אנה הלכו האנשים רדפו מהר אחריהם כי תשיגום

⁶ והיא העלתם הגגה ותטמנם בפשתי העץ הערכות לה על הגג

⁷ והאנשים רדפו אחריהם דרך הירדן על המעברות והשער סגרו אחרי כאשר יצאו הרדפים אחריהם

⁸ והמה טרם ישכבון והיא עלתה עליהם על הגג

⁹ ותאמר אל האנשים ידעתי כי נתן יהוה לכם את הארץ וכי נפלה אימתכם עלינו וכי נמגו כל ישרי הארץ מפניכם

¹⁰ כי שמענו את אשר הוביש יהוה את מי ים סוף מפניכם בצאתכם ממצרים ואשר עשיתם לשני מלכי האמרי אשר בעבר הירדן לסיחן ולעוג אשר החרמתם אותם

¹¹ ונשמע וימס לבבנו ולא קמה עוד רוח באיש מפניכם כי יהוה אלהיכם הוא אלהים בשמים ממעל ועל הארץ מתחת

¹² ועתה השבעו נא לי ביהוה כי עשיתי עמכם חסד ועשיתם גם אתם עם בית אבי חסד ונתתם לי אות אמת

¹³ והחיתם את אבי ואת אמי ואת אחי ואת אחותי ואת כל אשר להם והצללתם את נפשתינו ממות

¹⁴ ויאמרו לה האנשים נפשנו תחתיכם למות אם לא תגידו את דברנו זה והיה בתת יהוה לנו את הארץ ועשינו עמך חסד ואמת

¹⁵ ותורדם בחבל בעד החלון כי ביתה בקיר החומה ובחומה היא יושבת

¹⁶ ותאמר להם ההרה לכו פן יפגעו בכם הרדפים ונחבתם שמה שלשת ימים עד שוב הרדפים ואחר תלכו לדרככם

¹⁷ ויאמרו אליה האנשים נקים אנחנו משבעתך הזה אשר השבעתנו

¹⁸ הנה אנחנו באים בארץ את תקות חוט השני הזה תקשרי בחלון אשר הורדתנו בו ואת אביך ואת אמך ואת אחיך ואת כל בית אביך תאספי אליך הביתה

¹⁹ והיה כל אשר יצא מדלתי ביתך החוצה דמו בראשו ואנחנו נקים וכל אשר יהיה אתך בבית דמו בראשו אם יד תהיה בו

²⁰ ואם תגידו את דברנו זה והיינו נקים משבעתך אשר השבעתנו

²¹ ותאמר כדבריכם כן הוא ותשלחם וילכו ותקשר את תקות השני בחלון

²² וילכו ויבאו ההרה וישבו שם שלשת ימים עד שבו הרדפים ויבקשו הרדפים בכל הדרך ולא מצאו

²³ וישבו שני האנשים וירדו מההר ויעברו ויבאו אל יהושע בן נון ויספרו לו את כל המצאות אותם

²⁴ ויאמרו אל יהושע כי נתן יהוה בידנו את כל הארץ וגם נמגו כל ישרי הארץ מפנינו

הפרק 3

ישכם יהושע בבקר ויסעו מהשטים ויבאו עד הירדן הוא וכל בני ישראל וילנו שם טרם יעברו

² ויהי מקצה שלשת ימים ויעברו השטרים בקרב המחנה

³ ויצו את העם לאמר כראותכם את ארון ברית יהוה אלהיכם והכהנים הלויים נשאים אתו ואתם תסעו ממקומכם והלכתם אחריו

⁴ אך רחוק יהיה ביניכם ובינו כאלפים אמה במדה אל תקרבו אליו למען אשר תדעו את הדרך אשר תלכו בה כי לא עברתם בדרך מתמול שלשום

⁵ויאמר יהושע אל העם התקדשו כי מחר יעשה יהוה בקרבכם נפלאות

⁶ויאמר יהושע אל הכהנים לאמר שאו את ארון הברית ועברו לפני העם וישאו את ארון הברית וילכו לפני העם

⁷ויאמר יהוה אל יהושע היום הזה אחל גדלך בעיני כל ישראל אשר ידעון כי כאשר הייתי עם משה אהיה עמך

⁸ואתה תצוה את הכהנים נשאי ארון הברית לאמר כבאכם עד קצה מי הירדן בירדן תעמדו

⁹ויאמר יהושע אל בני ישראל גשו הנה ושמעו את דברי יהוה אלהיכם

¹⁰ויאמר יהושע בזאת תדעון כי אל חי בקרבכם והורש יוריש מפניכם את הכנעני ואת החתי ואת החוי ואת הפרזי ואת הגרגשי והאמרי והיבوسی

¹¹הנה ארון הברית אדון כל הארץ עבר לפניכם בירדן

¹²ועתה קחו לכם שני עשר איש משבטי ישראל איש אחד איש אחד לשבט

¹³והיה כנוח כפות רגלי הכהנים נשאי ארון יהוה אדון כל הארץ במי הירדן מי הירדן יכרתון המים הירדים מלמעלה ויעמדו נד אחד

¹⁴ויהי בנסע העם מאהליהם לעבר את הירדן והכהנים נשאי הארון הברית לפני העם

¹⁵וכבוא נשאי הארון עד הירדן ורגלי הכהנים נשאי הארון נטבלו בקצה המים והירדן מלא על כל גדותיו כל ימי קציה

¹⁶ויעמדו המים הירדים מלמעלה קמו נד אחד הרחק מאד באדם העיר אשר מצד צרתן והירדים על ים הערבה ים המלח תמו נכרתו והעם עברו נגד יריחו

¹⁷ויעמדו הכהנים נשאי הארון ברית יהוה בחרבה בתוך הירדן הכן וכל ישראל עברים בחרבה עד אשר תמו כל הגוי לעבר את הירדן

הפרק 4

יהי כאשר תמו כל הגוי לעבור את הירדן ויאמר יהוה אל יהושע לאמה

²קחו לכם מן העם שנים עשר אנשים איש אחד איש אחד משבט

³וצוו אותם לאמר שאו לכם מזה מתוך הירדן ממזב רגלי הכהנים הכין שתים עשרה אבנים והעברתם אותם עמכם והנחתם אותם במלון אשר תלינו בו הלילה

⁴ויקרא יהושע אל שנים העשר איש אשר הכין מבני ישראל איש אחד איש אחד משבט

⁵ויאמר להם יהושע עברו לפני ארון יהוה אלהיכם אל תוך הירדן והרימו לכם איש אבן אחת על שכמו למספר שבטי בני ישראל

⁶למען תהיה זאת אות בקרבכם כי ישאלון בניכם מחר לאמר מה האבנים האלה לכם

⁷ואמרתם להם אשר נכרתו מימי הירדן מפני ארון ברית יהוה בעברו בירדן נכרתו מי הירדן והיו האבנים האלה לזכרון לבני ישראל עד עולם

⁸ויעשו כן בני ישראל כאשר צוה יהושע וישאו שתי עשרה אבנים מתוך הירדן כאשר דבר יהוה אל יהושע למספר שבטי בני ישראל ויעברום עמם אל המלון וינחום שם

⁹ושתיים עשרה אבנים הקים יהושע בתוך הירדן תחת מצב רגלי הכהנים נשאי ארון הברית ויהיו שם עד היום הזה

¹⁰והכהנים נשאי הארון עמדים בתוך הירדן עד תם כל הדבר אשר צוה יהוה את יהושע לדבר אל העם ככל אשר צוה משה את יהושע וימהרו העם ויעברו

¹¹ויהי כאשר תם כל העם לעבור ויעברו ארון יהוה והכהנים לפני העם

¹²ויעברו בני ראובן ובני גד וחצי שבט המנשה חמשים לפני בני ישראל כאשר דבר אליהם משה

¹³כארבעים אלף חלוצי הצבא עברו לפני יהוה למלחמה אל ערבות יריחו

¹⁴ביום ההוא גדל יהוה את יהושע בעיני כל ישראל ויראו אתו כאשר יראו את משה כל ימי חייו

¹⁵ויאמר יהוה אל יהושע לאמה

¹⁶צוה את הכהנים נשאי ארון העדות ויעלו מן הירדן

¹⁷ ויצו יהושע את הכהנים לאמר עלו מן הירדן
¹⁸ ויהי בעלות הכהנים נשאי ארון ברית יהוה מתוך הירדן נתקו כפות רגלי הכהנים אל החרבה וישבו
מי הירדן למקומם וילכו כתמול שלשום על כל גדותיו
¹⁹ והעם עלו מן הירדן בעשור לחדש הראשון ויחנו בגלגל בקצה מזרח יריחו
²⁰ ואת שתי עשרה האבנים האלה אשר לקחו מן הירדן הקים יהושע בגלגל
²¹ ויאמר אל בני ישראל לאמר אשר ישאלון בניכם מחר את אבותם לאמר מה האבנים האלה
²² והודעתם את בניכם לאמר ביבשה עבר ישראל את הירדן הזה
²³ אשר הוביש יהוה אלהיכם את מי הירדן מפניכם עד עברכם כאשר עשה יהוה אלהיכם לים סוף
אשר הוביש מפנינו עד עברנו
²⁴ למען דעת כל עמי הארץ את יד יהוה כי חזקה היא למען יראתם את יהוה אלהיכם כל הימים

הפרק 5

יהי כשמע כל מלכי האמרי אשר בעבר הירדן ימה וכל מלכי הכנעני אשר על הים את אשר הוביש
יהוה את מי הירדן מפני בני ישראל עד עברנו וימס לבבם ולא היה בם עוד רוח מפני בני ישראל
² בעת ההיא אמר יהוה אל יהושע עשה לך חרבות צרים ושוב מל את בני ישראל שנית
³ ויעש לו יהושע חרבות צרים וימל את בני ישראל אל גבעת הערלות
⁴ וזה הדבר אשר מל יהושע כל העם היצא ממצרים הזכרים כל אנשי המלחמה מתו במדבר בדרך
בצאתם ממצרים
⁵ כי מלים היו כל העם היצאים וכל העם הילדים במדבר בדרך בצאתם ממצרים לא מלו
⁶ כי ארבעים שנה הלכו בני ישראל במדבר עד תם כל הגוי אנשי המלחמה היצאים ממצרים אשר
לא שמעו בקול יהוה אשר נשבע להם לבלתי הראותם את הארץ אשר נשבע יהוה לאבותם
לתת לנו ארץ זבת חלב ודבש
⁷ ואת בניהם הקים תחתם אתם מל יהושע כי ערלים היו כי לא מלו אותם בדרך
⁸ ויהי כאשר תמו כל הגוי להמול וישבו תחתם במחנה עד חיותם
⁹ ויאמר יהוה אל יהושע היום גלותי את חרפת מצרים מעליכם ויקרא שם המקום ההוא גלגל עד
היום הזה
¹⁰ ויחנו בני ישראל בגלגל ויעשו את הפסח בארבעה עשר יום לחדש בערב בערבות יריחו
¹¹ ויאכלו מעבור הארץ ממחרת הפסח מצות וקלוי בעצם היום הזה
¹² וישבת המן ממחרת באכלם מעבור הארץ ולא היה עוד לבני ישראל מן ויאכלו מתבואת ארץ כנען
בשנה ההיא
¹³ ויהי בהיות יהושע ביריחו וישא עיניו וירא והנה איש עמד לנגדו וחרבו שלופה בידו וילך יהושע אליו
ויאמר לו הלנו אתה אם לצרינו
¹⁴ ויאמר לא כי אני שר צבא יהוה עתה באתי ויפל יהושע אל פניו ארצה וישתחו ויאמר לו מה אדני
מדבר אל עבדו
¹⁵ ויאמר שר צבא יהוה אל יהושע של נעלך מעל רגלך כי המקום אשר אתה עמד עליו קדש הוא
ויעש יהושע כן

הפרק 6

יריחו סגרת ומסגרת מפני בני ישראל אין יוצא ואין בא
² ויאמר יהוה אל יהושע ראה נתתי בידך את יריחו ואת מלכה גבורי החיל
³ וסבתם את העיר כל אנשי המלחמה הקיף את העיר פעם אחת כה תעשה ששת ימים
⁴ ושבעה כהנים ישאו שבעה שופרות היובלים לפני הארון וביום השביעי תסבו את העיר שבע
פעמים והכהנים יתקעו בשופרות

⁵והיה במשך בקרן היובל בשמעכם את קול השופר יריעו כל העם תרועה גדולה ונפלה חומת העיר תחתיה ועלו העם איש נגדו

⁶ויקרא יהושע בן נון אל הכהנים ויאמר אלהם שאו את ארון הברית ושבעה כהנים ישאו שבעה שופרות יובלים לפני ארון יהוה

⁷ויאמרו אל העם עברו וסבו את העיר והחלוץ יעבר לפני ארון יהוה

⁸ויהי כאמר יהושע אל העם ושבעה הכהנים נשאים שבעה שופרות היובלים לפני יהוה עברו ותקעו בשופרות וארון ברית יהוה הלך אחריהם

⁹והחלוץ הלך לפני הכהנים תקעו השופרות והמאסף הלך אחרי הארון הלוך ותקוע בשופרות

¹⁰ואת העם צוה יהושע לאמר לא תריעו ולא תשמיעו את קולכם ולא יצא מפיכם דבר עד יום אמרי אליכם הריעו והריעתם

¹¹ויסב ארון יהוה את העיר הקף פעם אחת ויבאו המחנה וילינו במחנה

¹²וישכם יהושע בבקר וישאו הכהנים את ארון יהוה

¹³ושבעה הכהנים נשאים שבעה שופרות היובלים לפני ארון יהוה הלכים הלוך ותקעו בשופרות והחלוץ הלך לפניהם והמאסף הלך אחרי ארון יהוה הלוך ותקוע בשופרות

¹⁴ויסבו את העיר ביום השני פעם אחת וישבו המחנה כה עשו ששת ימים

¹⁵ויהי ביום השביעי וישכמו כעלות השחר ויסבו את העיר כמשפט הזה שבע פעמים רק ביום ההוא סבבו את העיר שבע פעמים

¹⁶ויהי בפעם השביעית תקעו הכהנים בשופרות ויאמר יהושע אל העם הריעו כי נתן יהוה לכם את העיר

¹⁷והיתה העיר חרם היא וכל אשר בה ליהוה רק רחב הזונה תחיה היא וכל אשר אתה בבית כי החבאתה את המלאכים אשר שלחנו

¹⁸ורק אתם שמרו מן החרם פן תחרימו ולקחתם מן החרם ושמתם את מחנה ישראל לחרם ועכרתם אותו

¹⁹וכל כסף וזהב וכלי נחשת וברזל קדש הוא ליהוה אוצר יהוה יבוא

²⁰וירע העם ויתקעו בשופרות ויהי כשמע העם את קול השופר ויריעו העם תרועה גדולה ותפל החומה תחתיה ויעל העם העירה איש נגדו וילכדו את העיר

²¹ויחרימו את כל אשר בעיר מאיש ועד אשה מנער ועד זקן ועד שור ושה וחמור לפי חרב

²²ולשנים האנשים המרגלים את הארץ אמר יהושע באו בית האשה הזונה והוציאו משם את האשה ואת כל אשר לה כאשר נשבעתם לה

²³ויבאו הנערים המרגלים ויציאו את רחב ואת אביה ואת אמה ואת אחיה ואת כל אשר לה ואת כל משפחותיה הוציאו ויניחום מחוץ למחנה ישראל

²⁴והעיר שרפו באש וכל אשר בה רק הכסף והזהב וכלי הנחשת והברזל נתנו אוצר בית יהוה

²⁵ואת רחב הזונה ואת בית אביה ואת כל אשר לה החיה יהושע ותשב בקרב ישראל עד היום הזה כי החביאה את המלאכים אשר שלח יהושע לרגל את יריחו

²⁶וישבע יהושע בעת ההיא לאמר ארור האיש לפני יהוה אשר יקום ובנה את העיר הזאת את יריחו בבכרו ייסדנה ובצעירו יציב דלתיה

²⁷ויהי יהוה את יהושע ויהי שמעו בכל הארץ

הפרק 7

ימעלו בני ישראל מעל בחרם ויקח עכן בן כרמי בן זבדי בן זרח למטה יהודה מן החרם ויחר אף יהוה בבני ישראל

²וישלח יהושע אנשים מיריחו העי אשר עם בית און מקדם לבית אל ויאמר אליהם לאמר עלו ורגלו את הארץ ויעלו האנשים וירגלו את העי

³וישבו אל יהושע ויאמרו אליו אל יעל כל העם כאלפים איש או כשלשת אלפים איש יעלו ויכו את

העי אל תיגע שמה את כל העם כי מעט המה

⁴ויעלו מן העם שמה כשלשת אלפים איש וינסו לפני אנשי העי

⁵ויכו מהם אנשי העי כשלשים ושה איש וירדפום לפני השער עד השברים ויכום במורד וימס לבב העם ויהי למים

⁶ויקרע יהושע שמלתיו ויפל על פניו ארצה לפני ארון יהוה עד הערב הוא וזקני ישראל ויעלו עפר על ראשם

⁷ויאמר יהושע אהה אדני יהוה למה העברת העביר את העם הזה את הירדן לתת אתנו ביד האמרי להאבידנו ולו הואלנו ונשב בעבר הירדן

⁸בי אדני מה אמר אחרי אשר הפך ישראל ערף לפני איביו

⁹וישמעו הכנעני וכל ישרי הארץ ונסבו עלינו והכריתו את שמנו מן הארץ ומה תעשה לשמך הגדול ¹⁰ויאמר יהוה אל יהושע קם לך למה זה אתה נפל על פניך

¹¹חטא ישראל וגם עברו את בריתי אשר צויתי אותם וגם לקחו מן החרם וגם גנבו וגם כחשו וגם שמו בכליהם

¹²ולא יכלו בני ישראל לקום לפני איביהם ערף יפנו לפני איביהם כי היו לחרם לא אוסיף להיות עמכם אם לא תשמידו החרם מקרבכם

¹³קם קדש את העם ואמרת התקדשו למחר כי כה אמר יהוה אלהי ישראל חרם בקרבך ישראל לא תוכל לקום לפני איביך עד הסירכם החרם מקרבכם

¹⁴ונקרבתם בבקר לשבטיכם והיה השבט אשר ילכדנו יהוה יקרב למשפחות והמשפחה אשר ילכדנה יהוה תקרב לבתים והבית אשר ילכדנו יהוה יקרב לגברים

¹⁵והיה הנלכד בחרם ישרף באש אתו ואת כל אשר לו כי עבר את ברית יהוה וכי עשה נבלה בישראל ¹⁶וישכם יהושע בבקר ויקרב את ישראל לשבטיו וילכד שבט יהודה

¹⁷ויקרב את משפחת יהודה וילכד את משפחת הזרחי ויקרב את משפחת הזרחי לגברים וילכד זבדי

¹⁸ויקרב את ביתו לגברים וילכד עכן בן כרמי בן זבדי בן זרח למטה יהודה

¹⁹ויאמר יהושע אל עכן בני שים נא כבוד ליהוה אלהי ישראל ותן לו תודה והגד נא לי מה עשית אל תכחד ממני

²⁰ויען עכן את יהושע ויאמר אמנה אנכי חטאתי ליהוה אלהי ישראל וכזאת וכזאת עשיתי

²¹ואראה בשלל אדרת שנער אחת טובה ומאתים שקלים כסף ולשון זהב אחד חמשים שקלים משקלו ואחמדם ואקחם והנם טמונים בארץ בתוך האהלי והכסף תחתיה

²²וישלח יהושע מלאכים וירצו האהלה והנה טמונה באהלו והכסף תחתיה

²³ויקחום מתוך האהל ויבאום אל יהושע ואל כל בני ישראל ויצקם לפני יהוה

²⁴ויקח יהושע את עכן בן זרח ואת הכסף ואת האדרת ואת לשון הזהב ואת בניו ואת בנותיו ואת שורו ואת חמרו ואת צאנו ואת אהלו ואת כל אשר לו וכל ישראל עמו ויעלו אתם עמק עכו

²⁵ויאמר יהושע מה עכרתנו יעכרך יהוה ביום הזה וירגמו אתו כל ישראל אבן וישרפו אתם באש ויסקלו אתם באבנים

²⁶ויקימו עליו גל אבנים גדול עד היום הזה וישב יהוה מחרון אפו על כן קרא שם המקום ההוא עמק עכור עד היום הזה

הפרק 8

יאמר יהוה אל יהושע אל תירא ואל תחת קח עמך את כל עם המלחמה וקום עלה העי ראה נתתי בידך את מלך העי ואת עמו ואת עירו ואת ארצו

²ועשית לעי ולמלכה כאשר עשית ליריחו ולמלכה רק שללה ובהמתה תבזו לכם שים לך ארב לעיר מאחריה

³ויקם יהושע וכל עם המלחמה לעלות העי ויבחר יהושע שלשים אלף איש גבורי החיל וישלחם לילה

⁴ויצו אתם לאמר ראו אתם ארבים לעיר מאחרי העיר אל תרחיקו מן העיר מאד והייתם כלכם נכנים

⁵ואני וכל העם אשר אתי נקרב אל העיר והיה כי יצאו לקראתנו כאשר בראשנה ונסנו לפניהם
⁶ויצאו אחרינו עד התיקנו אותם מן העיר כי יאמרו נסים לפנינו כאשר בראשנה ונסנו לפניהם
⁷ואתם תקמו מהאורב והורשתם את העיר ונתנה יהוה אלהיכם בידכם
⁸והיה כתפשכם את העיר תציתו את העיר באש כדבר יהוה תעשו ראו צויתי אתכם
⁹וישלחם יהושע וילכו אל המארב וישבו בין בית אל ובין העי מים לעי וילך יהושע בלילה ההוא בתוך
העם
¹⁰וישכם יהושע בבקר ויפקד את העם ויעל הוא וזקני ישראל לפני העם העי!
¹¹וכל העם המלחמה אשר אתו עלו ויגשו ויבאו נגד העיר ויחנו מצפון לעי והגי בינו ובין העי!
¹²ויקח כחמשת אלפים איש וישם אותם ארב בין בית אל ובין העי מים לעי!
¹³וישימו העם את כל המחנה אשר מצפון לעיר ואת עקבו מים לעיר וילך יהושע בלילה ההוא בתוך
העמק
¹⁴ויהי כראות מלך העי וימהרו וישכימו ויצאו אנשי העיר לקראת ישראל למלחמה הוא וכל עמו
למועד לפני הערבה והוא לא ידע כי ארב לו מאחרי העי!
¹⁵וינגעו יהושע וכל ישראל לפניו וינסו דרך המדבה
¹⁶ויזעקו כל העם אשר בעיר לרדף אחריהם וירדפו אחרי יהושע וינתקו מן העי!
¹⁷ולא נשאר איש בעי ובית אל אשר לא יצאו אחרי ישראל ויעזבו את העיר פתוחה וירדפו אחרי
ישראל
¹⁸ויאמר יהוה אל יהושע נטה בכידון אשר בידך אל העי כי בידך אתננה ויט יהושע בכידון אשר בידו
אל העי
¹⁹והאורב קם מהרה ממקומו וירוצו כנטות ידו ויבאו העיר וילכדוה וימיהו ויציתו את העיר באש
²⁰ויפנו אנשי העי אחריהם ויראו והנה עלה עשן העיר השמימה ולא היה בהם ידיים לנוס הנה והנה
והעם הנס המדבר נהפך אל הרודף
²¹ויהושע וכל ישראל ראו כי לכד הארב את העיר וכי עלה עשן העיר וישבו ויכו את אנשי העי!
²²ואלה יצאו מן העיר לקראתם ויהיו לישראל בתוך אלה מזה ואלה מזה ויכו אותם עד בלתי השאיר
לו שריד ופליט
²³ואת מלך העי תפשו חי ויקרבו אתו אל יהושע
²⁴ויהי ככלות ישראל להרג את כל יושבי העי בשדה במדבר אשר רדפום בו ויפלו כלם לפי חרב עד
תמם וישבו כל ישראל העי ויכו אתה לפי חרב
²⁵ויהי כל הנפלים ביום ההוא מאיש ועד אשה שנים עשר אלף כל אנשי העי!
²⁶ויהושע לא השיב ידו אשר נטה בכידון עד אשר החרים את כל יושבי העי!
²⁷רק הבהמה ושלל העיר ההיא בזזו להם ישראל כדבר יהוה אשר צוה את יהושע
²⁸וישרף יהושע את העי וישימה תל עולם שממה עד היום הזה
²⁹ואת מלך העי תלה על העץ עד עת הערב וכבוא השמש צוה יהושע וירידו את נבלתו מן העץ
וישליכו אותה אל פתח שער העיר ויקימו עליו גל אבנים גדול עד היום הזה
³⁰אז יבנה יהושע מזבח ליהוה אלהי ישראל בהר עיבל
³¹כאשר צוה משה עבד יהוה את בני ישראל ככתוב בספר תורת משה מזבח אבנים שלמות אשר
לא הניף עליהן ברזל ויעלו עליו עלות ליהוה ויזבחו שלמים
³²ויכתב שם על האבנים את משנה תורת משה אשר כתב לפני בני ישראל
³³וכל ישראל וזקניו ושטרים ושפטיו עמדים מזה ומזה לארון נגד הכהנים הלויים נשאי ארון ברית
יהוה כגר כאזרח חציו אל מול הר גרזים והחציו אל מול הר עיבל כאשר צוה משה עבד יהוה לברך
את העם ישראל בראשנה
³⁴ואחרי כן קרא את כל דברי התורה הברכה והקללה ככל הכתוב בספר התורה
³⁵לא היה דבר מכל אשר צוה משה אשר לא קרא יהושע נגד כל קהל ישראל והנשים והטף והגר
ההלך בקרבם

הפרק 9

יהי כשמע כל המלכים אשר בעבר הירדן בהר ובשפלה ובכל חוף הים הגדול אל מול הלבנון החתי והאמרי הכנעני הפרזי החוי והיבוס:

²ויתקבצו יחדו להלחם עם יהושע ועם ישראל פה אחד:

³וישבי גבעון שמעו את אשר עשה יהושע ליריחו ולע:

⁴ויעשו גם המה בערמה וילכו ויצטירו ויקחו שקים בלים לחמוריהם ונאדות יין בלים ומבקעים ומצרים

⁵ונעלות בלות ומטלאות ברגליהם ושלמות בלות עליהם וכל לחם צידם יבש היה נקדים

⁶וילכו אל יהושע אל המחנה הגלגל ויאמרו אליו ואל איש ישראל מארץ רחוקה באנו ועתה כרתו לנו ברית

⁷ויאמרו איש ישראל אל החוי אולי בקרבי אתה יושב ואיך אכרות לך ברית

⁸ויאמרו אל יהושע עבדיך אנחנו ויאמר אלהם יהושע מי אתם ומאין תבאו

⁹ויאמרו אליו מארץ רחוקה מאד באו עבדיך לשם יהוה אלהיך כי שמענו שמעו ואת כל אשר עשה במצרים

¹⁰ואת כל אשר עשה לשני מלכי האמרי אשר בעבר הירדן לסיחון מלך חשבון ולעוג מלך הבשן אשר בעשתרות

¹¹ויאמרו אלינו זקינינו וכל ישרי ארצנו לאמר קחו בידכם צידה לדרך ולכו לקראתם ואמרתם אליהם עבדיכם אנחנו ועתה כרתו לנו ברית

¹²זה לחמנו חם הצטידנו אתו מבתינו ביום צאתנו ללכת אליכם ועתה הנה יבש והיה נקדים

¹³ואלה נאדות היין אשר מלאנו חדשים והנה התבקעו ואלה שלמותינו ונעלינו בלו מרב הדרך מאד:

¹⁴ויקחו האנשים מצידם ואת פי יהוה לא שאלו

¹⁵ויעש להם יהושע שלום ויכרת להם ברית לחיותם וישבעו להם נשיאי העדה

¹⁶ויהי מקצה שלשת ימים אחרי אשר כרתו להם ברית וישמעו כי קרבים הם אליו ובקרבם הם יושבים

¹⁷ויסעו בני ישראל ויבאו אל עריהם ביום השלישי ועריהם גבעון והכפירה ובארות וקרית יערים

¹⁸ולא הכום בני ישראל כי נשבעו להם נשיאי העדה ביהוה אלהי ישראל וילנו כל העדה על הנשיאים

¹⁹ויאמרו כל הנשיאים אל כל העדה אנחנו נשבענו להם ביהוה אלהי ישראל ועתה לא נוכל לנגע בהם

²⁰זאת נעשה להם והחיה אותם ולא יהיה עלינו קצף על השבועה אשר נשבענו להם

²¹ויאמרו אליהם הנשיאים יחיו ויהיו חטבי עצים ושאבי מים לכל העדה כאשר דברו להם הנשיאים

²²ויקרא להם יהושע וידבר אליהם לאמר למה רמיתם אתנו לאמר רחוקים אנחנו מכם מאד ואתם בקרבנו יושבים

²³ועתה ארורים אתם ולא יכרת מכם עבד וחטבי עצים ושאבי מים לבית אלה:

²⁴ויענו את יהושע ויאמרו כי הגד הגד לעבדיך את אשר צוה יהוה אלהיך את משה עבדו לתת לכם את כל הארץ ולהשמיד את כל ישרי הארץ מפניכם ונירא מאד לנפשתינו מפניכם ונעשה את הדבר הזה

²⁵ועתה הננו בידך כטוב וכישר בעיניך לעשות לנו עשה

²⁶ויעש להם כן ויצל אותם מיד בני ישראל ולא הרגום

²⁷ויתנם יהושע ביום ההוא חטבי עצים ושאבי מים לעדה ולמזבח יהוה עד היום הזה אל המקום אשר יבחר

הפרק 10

יהי כשמע אדני צדק מלך ירושלם כי לכד יהושע את העי ויחרימה כאשר עשה ליריחו ולמלכה כן עשה לעי ולמלכה וכי השלימו יושבי גבעון את ישראל ויהיו בקרבם¹

²וייראו מאד כי עיר גדולה גבעון כאחת ערי הממלכה וכי היא גדולה מן העי וכל אנשיה גברים³

וישלח אדני צדק מלך ירושלם אל הוהם מלך חברון ואל פראם מלך ירמות ואל יפיע מלך לכיש ואל דביר מלך עגלון לאמר⁴

עלו אלי ועזרני ונכה את גבעון כי השלימה את יהושע ואת בני ישראל⁵

ויאספו ויעלו חמשת מלכי האמרי מלך ירושלם מלך חברון מלך ירמות מלך לכיש מלך עגלון הם וכל מחניהם ויחנו על גבעון וילחמו עליה⁶

וישלחו אנשי גבעון אל יהושע אל המחנה הגלגלה לאמר אל תרף ידיך מעבדיך עלה אלינו מהרה והושיעה לנו ועזרנו כי נקבצו אלינו כל מלכי האמרי יושבי ההר⁷

ויעל יהושע מן הגלגל הוא וכל עם המלחמה עמו וכל גבורי החיל⁸

ויאמר יהוה אל יהושע אל תירא מהם כי בידך נתתם לא יעמד איש מהם בפניך⁹

ויבא אליהם יהושע פתאם כל הלילה עלה מן הגלגל¹⁰

ויהמם יהוה לפני ישראל ויכם מכה גדולה בגבעון וירדפם דרך מעלה בית חורן ויכם עד עזקה ועד מקדח¹¹

ויהי בנסם מפני ישראל הם במורד בית חורן ויהוה השליך עליהם אבנים גדולות מן השמים עד עזקה וימתו רבים אשר מתו באבני הברד מאשר הרגו בני ישראל בחרב¹²

אז ידבר יהושע ליהוה ביום תת יהוה את האמרי לפני בני ישראל ויאמר לעיני ישראל שמש בגבעון דום וירח בעמק אילון¹³

וידם השמש וירח עמד עד יקם גוי איביו הלא היא כתובה על ספר הישר ויעמד השמש בחצי השמים ולא אץ לבוא כיום תמים¹⁴

ולא היה כיום ההוא לפניו ואחריו לשמע יהוה בקול איש כי יהוה נלחם לישראל¹⁵

וישב יהושע וכל ישראל עמו אל המחנה הגלגלה¹⁶

וינסו חמשת המלכים האלה ויחבאו במערה במקדח¹⁷

ויגד ליהושע לאמר נמצאו חמשת המלכים נחבאים במערה במקדח¹⁸

ויאמר יהושע גלו אבנים גדולות אל פי המערה והפקידו עליה אנשים לשמרם¹⁹

ואתם אל תעמדו רדפו אחרי איביכם וזנבתם אותם אל תתנום לבוא אל עריהם כי נתנם יהוה אלהיכם בידכם²⁰

ויהי ככלות יהושע ובני ישראל להכותם מכה גדולה מאד עד תמם והשרידים שרדו מהם ויבאו אל ערי המבצר²¹

וישבו כל העם אל המחנה אל יהושע מקדח בשלום לא חרץ לבני ישראל לאיש את לשנו²²

ויאמר יהושע פתחו את פי המערה והוציאו אלי את חמשת המלכים האלה מן המערה²³

ויעשו כן ויצאו אליו את חמשת המלכים האלה מן המערה את מלך ירושלם את מלך חברון את מלך ירמות את מלך לכיש את מלך עגלון²⁴

ויהי כהוציאתם את המלכים האלה אל יהושע ויקרא יהושע אל כל איש ישראל ויאמר אל קציני אנשי המלחמה ההלכוא אתו קרבו שימו את רגליכם על צוארי המלכים האלה ויקרבו וישימו את רגליהם על צואריהם²⁵

ויאמר אליהם יהושע אל תיראו ואל תחתו חזקו ואמצו כי ככה יעשה יהוה לכל איביכם אשר אתם נלחמים אותם²⁶

ויכם יהושע אחרי כן וימיתם ויתלם על חמשה עצים ויהיו תלולים על העצים עד הערב²⁷

ויהי לעת בוא השמש צוה יהושע וירידום מעל העצים וישלכם אל המערה אשר נחבאו שם וישמו אבנים גדולות על פי המערה עד עצם היום הזה²⁸

ואת מקדח לכד יהושע ביום ההוא ויכה לפי חרב ואת מלכה החרם אותם ואת כל הנפש אשר בה לא השאיר שריד ויעש למלך מקדח כאשר עשה למלך יריחו²⁹

ויעבר יהושע וכל ישראל עמו ממקדח לבנה וילחם עם לבנה

³⁰ויתן יהוה גם אותה ביד ישראל ואת מלכה ויכה לפי חרב ואת כל הנפש אשר בה לא השאיר בה שריד ויעש למלכה כאשר עשה למלך יריחו

³¹ויעבר יהושע וכל ישראל עמו מלבנה לכישה ויחן עליה וילחם בה

³²ויתן יהוה את לכיש ביד ישראל וילכדה ביום השני ויכה לפי חרב ואת כל הנפש אשר בה ככל אשר עשה ללבנה

³³אז עלה הרם מלך גזר לעזר את לכיש ויכהו יהושע ואת עמו עד בלתי השאיר לו שריד:

³⁴ויעבר יהושע וכל ישראל עמו מלכיש עגלנה ויחנו עליה וילחמו עליה

³⁵וילכדוהו ביום ההוא ויכוה לפי חרב ואת כל הנפש אשר בה ביום ההוא החרים ככל אשר עשה ללכיש

³⁶ויעל יהושע וכל ישראל עמו מעגלונה חברונה וילחמו עליה

³⁷וילכדוהו ויכוה לפי חרב ואת מלכה ואת כל עריה ואת כל הנפש אשר בה לא השאיר שריד ככל אשר עשה לעגלון ויחרם אותה ואת כל הנפש אשר בה

³⁸וישב יהושע וכל ישראל עמו דברה וילחם עליה

³⁹וילכדה ואת מלכה ואת כל עריה ויכום לפי חרב ויחרמו את כל נפש אשר בה לא השאיר שריד כאשר עשה לחברון כן עשה לדברה ולמלכה וכאשר עשה ללבנה ולמלכה

⁴⁰ויכה יהושע את כל הארץ ההר והנגב והשפלה והאשדות ואת כל מלכיהם לא השאיר שריד ואת כל הנשמה החרים כאשר צוה יהוה אלהי ישראל

⁴¹ויכם יהושע מקדש ברנע ועד עזה ואת כל ארץ גשן ועד גבעון

⁴²ואת כל המלכים האלה ואת ארצם לכד יהושע פעם אחת כי יהוה אלהי ישראל נלחם לישראל

⁴³וישב יהושע וכל ישראל עמו אל המחנה הגלגלה

הפרק 11

יהי כשמע יבין מלך חצור וישלח אל יובב מלך מדון ואל מלך שמרון ואל מלך אכשף

²ואל המלכים אשר מצפון בהר ובערבה נגב כנרות ובשפלה ובנפות דור מים

³הכנעני ממזרח ומים והאמרי והחתי והפרזי והיבوسی בהר והחוי תחת חרמון בארץ המצפה

⁴ויצאו הם וכל מחניהם עמם עם רב כחול אשר על שפת הים לרב וסוס ורכב רב מאד:

⁵ויועדו כל המלכים האלה ויבאו ויחנו יחדו אל מי מרום להלחם עם ישראל

⁶ויאמר יהוה אל יהושע אל תירא מפניהם כי מחר כעת הזאת אנכי נתן את כלם חללים לפני ישראל את סוסיהם תעקר ואת מרכבתיהם תשרף באש

⁷ויבא יהושע וכל עם המלחמה עמו עליהם על מי מרום פתאם ויפלו בהם

⁸ויתנם יהוה ביד ישראל ויכום וירדפום עד צידון רבה ועד משרפות מים ועד בקעת מצפה מזרחה ויכם עד בלתי השאיר להם שריד:

⁹ויעש להם יהושע כאשר אמר לו יהוה את סוסיהם עקר ואת מרכבתיהם שרף באש

¹⁰וישב יהושע בעת ההיא וילכד את חצור ואת מלכה הכה בחרב כי חצור לפניו היא ראש כל הממלכות האלה

¹¹ויכו את כל הנפש אשר בה לפי חרב החרם לא נותר כל נשמה ואת חצור שרף באש

¹²ואת כל ערי המלכים האלה ואת כל מלכיהם לכד יהושע ויכם לפי חרב החרים אותם כאשר צוה משה עבד יהוה

¹³רק כל הערים העמדות על תלם לא שרפם ישראל זולתי את חצור לבדה שרף יהושע

¹⁴וכל שלל הערים האלה והבהמה בזו להם בני ישראל רק את כל האדם הכו לפי חרב עד השמדם אותם לא השאירו כל נשמה

¹⁵כאשר צוה יהוה את משה עבדו כן צוה משה את יהושע וכן עשה יהושע לא הסיר דבר מכל אשר צוה יהוה את משה

¹⁶ויקח יהושע את כל הארץ הזאת ההר ואת כל הנגב ואת כל ארץ הגשן ואת השפלה ואת הערבה

ואת הר ישראל ושפלתה

¹⁷מן ההר החלק העולה שעיר ועד בעל גד בבקעת הלבנון תחת הר חרמון ואת כל מלכיהם לכד ויכם וימיתם

¹⁸ימים רבים עשה יהושע את כל המלכים האלה מלחמה

¹⁹לא היתה עיר אשר השלימה אל בני ישראל בלתי החוי ישבי גבעון את הכל לקחו במלחמה

²⁰כי מאת יהוה היתה לחזק את לבם לקראת המלחמה את ישראל למען החרימם לבלתי היות להם תחנה כי למען השמידם כאשר צוה יהוה את משה

²¹ויבא יהושע בעת ההיא ויכרת את הענקים מן ההר מן חברון מן דבר מן ענב ומכל הר יהודה ומכל הר ישראל עם עריהם החרימם יהושע

²²לא נותר ענקים בארץ בני ישראל רק בעזה בגת ובאשדוד נשארו

²³ויקח יהושע את כל הארץ ככל אשר דבר יהוה אל משה ויתנה יהושע לנחלה לישראל כמחלקתם לשבטיהם והארץ שקטה ממלחמה

הפרק 12

אלה מלכי הארץ אשר הכו בני ישראל וירשו את ארצם בעבר הירדן מזרחה השמש מנחל ארנון עד הר חרמון וכל הערבה מזרחה

²סיחון מלך האמרי היושב בחשבון משל מערוער אשר על שפת נחל ארנון ותוך הנחל וחצי הגלעד ועד יבק הנחל גבול בני עמון

³והערבה עד ים כנרות מזרחה ועד ים הערבה ים המלח מזרחה דרך בית הישמות ומתימן תחת אשדות הפסגה

⁴וגבול עוג מלך הבשן מיתר הרפאים היושב בעשתרות ובאדרעי

⁵ומשל בהר חרמון ובסלכה ובכל הבשן עד גבול הגשורי והמעכתי וחצי הגלעד גבול סיחון מלך חשבון

⁶משה עבד יהוה ובני ישראל הכום ויתנה משה עבד יהוה לראובני ולגדי ולחצי שבט המנשה

⁷ואלה מלכי הארץ אשר הכה יהושע ובני ישראל בעבר הירדן ימה מבעל גד בבקעת הלבנון ועד ההר החלק העלה שעירה ויתנה יהושע לשבטי ישראל ירשה כמחלקתם

⁸בהר ובשפלה ובערבה ובאשדות ובמדבר ובנגב החתי האמרי והכנעני הפרזי החוי והיבוס

⁹מלך יריחו אחד מלך העי אשר מצד בית אל אחד

¹⁰מלך ירושלם אחד מלך חברון אחד

¹¹מלך ירמות אחד מלך לכיש אחד

¹²מלך עגלון אחד מלך גזר אחד

¹³מלך דבר אחד מלך גדר אחד

¹⁴מלך חרמה אחד מלך ערד אחד

¹⁵מלך לבנה אחד מלך עדלם אחד

¹⁶מלך מקדה אחד מלך בית אל אחד

¹⁷מלך תפוח אחד מלך חפר אחד

¹⁸מלך אפק אחד מלך לשרון אחד

¹⁹מלך מדון אחד מלך חצור אחד

²⁰מלך שמרון מראון אחד מלך אכשף אחד

²¹מלך תענך אחד מלך מגדו אחד

²²מלך קדש אחד מלך יקנעם לכרמל אחד

²³מלך דור לנפת דור אחד מלך גוים לגלגל אחד

²⁴מלך תרצה אחד כל מלכים שלשים ואחד

הפרק 13

יהושע זקן בא בימים ויאמר יהוה אליו אתה זקנתה באת בימים והארץ נשארה הרבה מאד לרשתה¹
זאת הארץ הנשארת כל גלילות הפלשתים וכל הגשור!²
מן השיחור אשר על פני מצרים ועד גבול עקרון צפונה לכנעני תחשב חמשת סרני פלשתים העזתי³
והאשדודי האשקלוני הגתי והעקרוני והעוים
מתימן כל ארץ הכנעני ומערה אשר לצידנים עד אפקה עד גבול האמרי!⁴
והארץ הגבלי וכל הלבנון מזרח השמש מבעל גד תחת הר חרמון עד לבוא חמת⁵
כל יושבי ההר מן הלבנון עד משרפת מים כל צידנים אנכי אורישם מפני בני ישראל רק הפלה⁶
לישראל בנחלה כאשר צויתך
ועתה חלק את הארץ הזאת בנחלה לתשעת השבטים וחצי השבט המנשה⁷
עמו הראובני והגדי לקחו נחלתם אשר נתן להם משה בעבר הירדן מזרחה כאשר נתן להם משה
עבד יהוה
מערוער אשר על שפת נחל ארנון והעיר אשר בתוך הנחל וכל המישר מידבא עד דיבון⁹
וכל ערי סיחון מלך האמרי אשר מלך בחשבון עד גבול בני עמון¹⁰
והגלעד וגבול הגשור והמעכתי וכל הר חרמון וכל הבשן עד סלכה¹¹
כל ממלכות עוג בבשן אשר מלך בעשתרות ובאדרעי הוא נשאר מיתר הרפאים ויכם משה וירשם¹²
ולא הורישו בני ישראל את הגשור ואת המעכתי וישב גשור ומעכת בקרב ישראל עד היום הזה¹³
רק לשבט הלוי לא נתן נחלה אשי יהוה אלהי ישראל הוא נחלתו כאשר דבר לו¹⁴
ויתן משה למטה בני ראובן למשפחתם¹⁵
ויהי להם הגבול מערוער אשר על שפת נחל ארנון והעיר אשר בתוך הנחל וכל המישר על מידבא¹⁶
חשבון וכל עריה אשר במישר דיבון ובמות בעל ובית בעל מעון¹⁷
ויהצה וקדמת ומפעת¹⁸
וקריתים ושבמה וצרת השחר בהר העמק¹⁹
ובית פעור ואשדות הפסגה ובית הישמות²⁰
וכל ערי המישר וכל ממלכות סיחון מלך האמרי אשר מלך בחשבון אשר הכה משה אתו ואת²¹
נשיאי מדין את אוי ואת רקם ואת צור ואת חור ואת רבע נסיכי סיחון יושבי הארץ
ואת בלעם בן בעור הקוסם הרגו בני ישראל בחרב אל חלליהם²²
ויהי גבול בני ראובן הירדן וגבול זאת נחלת בני ראובן למשפחתם הערים וחצריהן²³
ויתן משה למטה גד לבני גד למשפחתם²⁴
ויהי להם הגבול יעזר וכל ערי הגלעד וחצי ארץ בני עמון עד ערוער אשר על פני רבה²⁵
ומחשבון עד רמת המצפה ובטנים וממחנים עד גבול לדבה²⁶
ובעמק בית הרם ובית נמרה וסכות וצפון יתר ממלכות סיחון מלך חשבון הירדן וגבל עד קצה ים²⁷
כנרת עבר הירדן מזרחה
זאת נחלת בני גד למשפחתם הערים וחצריהם²⁸
ויתן משה לחצי שבט מנשה ויהי לחצי מטה בני מנשה למשפחותם²⁹
ויהי גבולם ממחנים כל הבשן כל ממלכות עוג מלך הבשן וכל חות יאיר אשר בבשן ששים עיר³⁰
וחצי הגלעד ועשתרות ואדרעי ערי ממלכות עוג בבשן לבני מכיר בן מנשה לחצי בני מכיר
למשפחותם
אלה אשר נחל משה בערבות מואב מעבר לירדן יריחו מזרחה³²
ולשבט הלוי לא נתן משה נחלה יהוה אלהי ישראל הוא נחלתם כאשר דבר להם³³

הפרק 14

אלה אשר נחלו בני ישראל בארץ כנען אשר נחלו אותם אלעזר הכהן ויהושע בן נון וראשי אבות המטות לבני ישראל

²בגורל נחלתם כאשר צוה יהוה ביד משה לתשעת המטות וחצי המטה

³כי נתן משה נחלת שני המטות וחצי המטה מעבר לירדן וללויים לא נתן נחלה בתוכם

⁴כי היו בני יוסף שני מטות מנשה ואפרים ולא נתנו חלק ללויים בארץ כי אם ערים לשבת ומגרשיהם למקניהם ולקנינים

⁵כאשר צוה יהוה את משה כן עשו בני ישראל ויחלקו את הארץ

⁶ויגשו בני יהודה אל יהושע בגלגל ויאמר אליו כלב בן יפנה הקנזי אתה ידעת את הדבר אשר דבר יהוה אל משה איש האלהים על אדותי ועל אדותיך בקדש ברנע

⁷בן ארבעים שנה אנכי בשלח משה עבד יהוה אתי מקדש ברנע לרגל את הארץ ואשב אתו דבר כאשר עם לבבי

⁸ואחי אשר עלו עמי המסיו את לב העם ואנכי מלאתי אחרי יהוה אלהי

⁹וישבע משה ביום ההוא לאמר אם לא הארץ אשר דרכה רגלך בה לך תהיה לנחלה ולבניך עד עולם כי מלאת אחרי יהוה אלהי

¹⁰ועתה הנה החיה יהוה אותי כאשר דבר זה ארבעים וחמש שנה מאז דבר יהוה את הדבר הזה אל משה אשר הלך ישראל במדבר ועתה הנה אנכי היום בן חמש ושמונים שנה

¹¹עודני היום חזק כאשר ביום שלח אותי משה ככחי אז וככחי עתה למלחמה ולצאת ולבוא

¹²ועתה תנה לי את ההר הזה אשר דבר יהוה ביום ההוא כי אתה שמעת ביום ההוא כי ענקים שם וערים גדולות בצרות אולי יהוה אותי והורשתיים כאשר דבר יהוה

¹³ויברכהו יהושע ויתן את חברון לכלב בן יפנה לנחלה

¹⁴על כן היתה חברון לכלב בן יפנה הקנזי לנחלה עד היום הזה יען אשר מלא אחרי יהוה אלהי ישראל

¹⁵ושם חברון לפנים קרית ארבע האדם הגדול בענקים הוא והארץ שקטה ממלחמה

הפרק 15

יהי הגורל למטה בני יהודה למשפחתם אל גבול אדום מדבר צן נגבה מקצה תימן

²ויהי להם גבול נגב מקצה ים המלח מן הלשן הפנה נגבה

³ויצא אל מנגב למעלה עקרבים ועבר צנה ועלה מנגב לקדש ברנע ועבר חצרון ועלה אדרה ונסב הקרקע

⁴ועבר עצמונה ויצא נחל מצרים והיה תצאות הגבול ימה זה יהיה לכם גבול נגב

⁵וגבול קדמה ים המלח עד קצה הירדן וגבול לפאת צפונה מלשון הים מקצה הירדן

⁶ועלה הגבול בית חגלה ועבר מצפון לבית הערבה ועלה הגבול אבן בהן בן ראובן

⁷ועלה הגבול דברה מעמק עכור וצפונה פנה אל הגלגל אשר נכח למעלה אדמים אשר מנגב לנחל ועבר הגבול אל מי עין שמש והיו תצאתיו אל עין רגל

⁸ועלה הגבול גי בן הנם אל כתף היבوسی מנגב היא ירושלם ועלה הגבול אל ראש ההר אשר על פני גי הנם ימה אשר בקצה עמק רפאים צפנה

⁹ותאר הגבול מראש ההר אל מעין מי נפתוח ויצא אל ערי הר עפרון ותאר הגבול בעלה היא קרית יערים

¹⁰ונסב הגבול מבעלה ימה אל הר שעיר ועבר אל כתף הר יערים מצפונה היא כסלון וירד בית שמש ועבר תמנה

¹¹ויצא הגבול אל כתף עקרון צפונה ותאר הגבול שכרונה ועבר הר הבעלה ויצא יבנאל והיו תצאות הגבול ימה

¹²וגבול ים הימה הגדול וגבול זה גבול בני יהודה סביב למשפחתם

¹³ולכלב בן יפנה נתן חלק בתוך בני יהודה אל פי יהוה ליהושע את קרית ארבע אבי הענק היא חברון

¹⁴וירש משם כלב את שלושה בני הענק את ששי ואת אחימן ואת תלמי ילידי הענק
¹⁵ויעל משם אל ישבי דבר ושם דבר לפני קרית ספר
¹⁶ויאמר כלב אשר יכה את קרית ספר ולכדה ונתתי לו את עכסה בתי לאשה
¹⁷וילכדה עתניאל בן קנז אחי כלב ויתן לו את עכסה בתו לאשה
¹⁸ויהי בבואה ותסיתו לשאול מאת אביה שדה ותצנח מעל החמור ויאמר לה כלב מה לך
¹⁹ותאמר תנה לי ברכה כי ארץ הנגב נתתני ונתתה לי גלת מים ויתן לה את גלת עליות ואת גלת
תחתיות
²⁰זאת נחלת מטה בני יהודה למשפחתם
²¹ויהיו הערים מקצה למטה בני יהודה אל גבול אדום בנגבה קבצאל ועדר ויגור
²²וקינה ודימונה ועדעדא
²³וקדש וחצור ויתנן
²⁴זיף וטלם ובעלות
²⁵וחצור חדתה וקריות חצרון היא חצור
²⁶אמם ושמע ומולדה
²⁷וחצר גדה וחשמון ובית פלט
²⁸וחצר שועל ובאר שבע ובזיותיה
²⁹בעלה ועיים ועצם
³⁰ואלתולד וכסיל וחרמה
³¹וצקלג ומדמנה וסנסנה
³²ולבאות ושלחים ועין ורמון כל ערים עשרים ותשע וחצריהן
³³בשפלה אשתאול וצרעה ואשנה
³⁴וזנוח ועין גנים תפוח והעינים
³⁵ירמות ועדלם שוכה ועזקה
³⁶ושערים ועדיתים והגדרה וגדרתים ערים ארבע עשרה וחצריהן
³⁷צנן וחדשה ומגדל גד
³⁸ודלען והמצפה ויקתאל
³⁹לכיש ובצקת ועגלון
⁴⁰וכבון ולחמס וכתליש
⁴¹וגדרות בית דגון ונעמה ומקדה ערים שש עשרה וחצריהן
⁴²לבנה ועתר ועשן
⁴³ויפתח ואשנה ונציב
⁴⁴וקעילה ואכזיב ומראשה ערים תשע וחצריהן
⁴⁵עקרון ובנתיה וחצריה
⁴⁶מעקרון וימה כל אשר על יד אשדוד וחצריהן
⁴⁷אשדוד בנותיה וחצריה עזה בנותיה וחצריה עד נחל מצרים והים הגבול וגבול
⁴⁸ובהר שמיר ויתיר ושוכה
⁴⁹ודנה וקרית סנה היא דבה
⁵⁰וענב ואשתמה וענים
⁵¹וגשן וחלן וגלה ערים אחת עשרה וחצריהן
⁵²ארב ורומה ואשען
⁵³וינים ובית תפוח ואפקה
⁵⁴וחמטה וקרית ארבע היא חברון וציער ערים תשע וחצריהן
⁵⁵מעון כרמל וזיף ויוטה

⁵⁶ ויזרעאל ויקדעם וזנוח
⁵⁷ הקין גבעה ותמנה ערים עשר וחצריה
⁵⁸ חלחול בית צור וגדוד
⁵⁹ ומערת ובית ענות ואלתקן ערים שש וחצריה
⁶⁰ קרית בעל היא קרית יערים והרבה ערים שתים וחצריה
⁶¹ במדבר בית הערבה מדין וסככה
⁶² והנבשן ועיר המלח ועין גדי ערים שש וחצריה
⁶³ ואת היבوسی יושבי ירושלם לא יוכלו בני יהודה להורישם וישב היבوسی את בני יהודה בירושלם עד
היום הזה

הפרק 16

יצא הגורל לבני יוסף מירדן יריחו למי יריחו מזרחה המדבר עלה מיריחו בהר בית אל
² ויצא מבית אל לזזה ועבר אל גבול הארכי עטרות
³ וירד ימה אל גבול היפלטי עד גבול בית חורן תחתון ועד גזר והיו תצאתו ימה
⁴ וינחלו בני יוסף מנשה ואפרים
⁵ ויהי גבול בני אפרים למשפחתם ויהי גבול נחלתם מזרחה עטרות אדר עד בית חורן עליון
⁶ ויצא הגבול הימה המכמתת מצפון ונסב הגבול מזרחה תאנת שלה ועבר אותו ממזרח ינוחה
⁷ וירד מינוחה עטרות ונערתה ופגע ביריחו ויצא הירדן
⁸ מתפוח ילך הגבול ימה נחל קנה והיו תצאתיו הימה זאת נחלת מטה בני אפרים למשפחתם
⁹ והערים המבדלות לבני אפרים בתוך נחלת בני מנשה כל הערים וחצריהן
¹⁰ ולא הורישו את הכנעני היושב בגזר וישב הכנעני בקרב אפרים עד היום הזה ויהי למס עבד:

הפרק 17

יהי הגורל למטה מנשה כי הוא בכור יוסף למכיר בכור מנשה אבי הגלעד כי הוא היה איש מלחמה
ויהי לו הגלעד והבשן
² ויהי לבני מנשה הנותרים למשפחתם לבני אביעזר ולבני חלק ולבני אשריאל ולבני שכם ולבני חפר
ולבני שמידע אלה בני מנשה בן יוסף הזכרים למשפחתם
³ ולצלפחד בן חפר בן גלעד בן מכיר בן מנשה לא היו לו בנים כי אם בנות ואלה שמות בנותיו מחלה
ונעה חגלה מלכה ותרצה
⁴ ותקרבנה לפני אלעזר הכהן ולפני יהושע בן נון ולפני הנשיאים לאמר יהוה צוה את משה לתת לנו
נחלה בתוך אחינו ויתן להם אל פי יהוה נחלה בתוך אחי אביהן
⁵ ויפלו חבלי מנשה עשרה לבד מארץ הגלעד והבשן אשר מעבר לירדן
⁶ כי בנות מנשה נחלו נחלה בתוך בניו וארץ הגלעד היתה לבני מנשה הנותרים
⁷ ויהי גבול מנשה מאשר המכמתת אשר על פני שכם והלך הגבול אל הימין אל יושבי עין תפוח
⁸ למנשה היתה ארץ תפוח ותפוח אל גבול מנשה לבני אפרים
⁹ וירד הגבול נחל קנה נגבה לנחל ערים האלה לאפרים בתוך ערי מנשה וגבול מנשה מצפון לנחל
ויהי תצאתיו הימה
¹⁰ נגבה לאפרים וצפונה למנשה ויהי הים גבולו ובאשר יפגעון מצפון וביששכר ממזרח
¹¹ ויהי למנשה ביששכר ובאשר בית שאן ובנותיה ויבלעם ובנותיה ואת יושבי דאר ובנותיה וישבי עין
דר ובנותיה וישבי תענך ובנותיה וישבי מגדו ובנותיה שלשת הנפת
¹² ולא יכלו בני מנשה להוריש את הערים האלה ויואל הכנעני לשבת בארץ הזאת
¹³ ויהי כי חזקו בני ישראל ויתנו את הכנעני למס והורש לא הורישו

¹⁴וידברו בני יוסף את יהושע לאמר מדוע נתתה לי נחלה גורל אחד וחבל אחד ואני עם רב עד אשר עד כה ברכני יהוה

¹⁵ויאמר אליהם יהושע אם עם רב אתה עלה לך היערה ובראת לך שם בארץ הפרזי והרפאים כי אך לך הר אפרים

¹⁶ויאמרו בני יוסף לא ימצא לנו ההר ורכב ברזל בכל הכנעני הישב בארץ העמק לאשר בבית שאן ובנותיה ולאשר בעמק יזרעאל

¹⁷ויאמר יהושע אל בית יוסף לאפרים ולמנשה לאמר עם רב אתה וכח גדול לך לא יהיה לך גורל אחד

¹⁸כי הר יהיה לך כי יער הוא ובראתו והיה לך תצאתיו כי תוריש את הכנעני כי רכב ברזל לו כי חזק הוא

הפרק 18

יקהלו כל עדת בני ישראל שלה וישכינו שם את אהל מועד והארץ נכבשה לפניהם

²ויותרו בבני ישראל אשר לא חלקו את נחלתם שבעה שבטים

³ויאמר יהושע אל בני ישראל עד אנה אתם מתרפים לבוא לרשת את הארץ אשר נתן לכם יהוה אלהי אבותיכם

⁴הבו לכם שלשה אנשים לשבט ואשלחם ויקמו ויתהלכו בארץ ויכתבו אותה לפי נחלתם ויבאו אלי

⁵והתחלקו אתה לשבעה חלקים יהודה יעמד על גבולו מנגב ובית יוסף יעמדו על גבולם מצפון

⁶ואתם תכתבו את הארץ שבעה חלקים והבאתם אלי הנה ויריתי לכם גורל פה לפני יהוה אלהינו

⁷כי אין חלק ללויים בקרבכם כי כהנת יהוה נחלתו וגד וראובן וחצי שבט המנשה לקחו נחלתם מעבר לירדן מזרחה אשר נתן להם משה עבד יהוה

⁸ויקמו האנשים וילכו ויצו יהושע את ההלכים לכתב את הארץ לאמר לכו והתהלכו בארץ וכתבו אותה ושובו אלי ופה אשליך לכם גורל לפני יהוה בשלה

⁹וילכו האנשים ויעברו בארץ ויכתבוה לערים לשבעה חלקים על ספר ויבאו אל יהושע אל המחנה שלח

¹⁰וישלך להם יהושע גורל בשלה לפני יהוה ויחלק שם יהושע את הארץ לבני ישראל כמחלקתם

¹¹ויעל גורל מטה בני בנימין למשפחתם ויצא גבול גורלם בין בני יהודה ובין בני יוסף

¹²ויהי להם הגבול לפאת צפונה מן הירדן ועלה הגבול אל כתף יריחו מצפון ועלה בהר ימה והיה תצאתיו מדברה בית און

¹³ועבר משם הגבול לזזה אל כתף לזזה נגבה היא בית אל וירד הגבול עטרות אדר על ההר אשר מנגב לבית חרון תחתון

¹⁴ותאר הגבול ונסב לפאת ים נגבה מן ההר אשר על פני בית חרון נגבה והיה תצאתיו אל קרית בעל היא קרית יערים עיר בני יהודה זאת פאת ים

¹⁵ופאת נגבה מקצה קרית יערים ויצא הגבול ימה ויצא אל מעין מי נפתוח

¹⁶וירד הגבול אל קצה ההר אשר על פני גי בן הנם אשר בעמק רפאים צפונה וירד גי הנם אל כתף היבוס נגבה וירד עין רגל

¹⁷ותאר מצפון ויצא עין שמש ויצא אל גלילות אשר נכח מעלה אדמים וירד אבן בהן בן ראובן

¹⁸ועבר אל כתף מול הערבה צפונה וירד הערבתה

¹⁹ועבר הגבול אל כתף בית חגלה צפונה והיה תצאותיו הגבול אל לשון ים המלח צפונה אל קצה הירדן נגבה זה גבול נגב

²⁰והירדן יגבל אתו לפאת קדמה זאת נחלת בני בנימין לגבולתיה סביב למשפחתם

²¹והיו הערים למטה בני בנימין למשפחותיהם יריחו ובית חגלה ועמק קציץ

²²ובית הערבה וצמרים ובית אל

²³והעוים והפרה ועפרה

²⁴וכפר העמני והעפני וגבע ערים שתיים עשרה וחצריהן
²⁵גבעון והרמה ובארות
²⁶והמצפה והכפירה והמצח
²⁷ורקם וירפאל ותראלח
²⁸וצלע האלף והיבוסים היא ירושלם גבעת קרית ערים ארבע עשרה וחצריהן זאת נחלת בני בנימן
למשפחתם

הפרק 19

יצא הגורל השני לשמעון למטה בני שמעון למשפחותם ויהי נחלתם בתוך נחלת בני יהודה
²ויהי להם בנחלתם באר שבע ושבע ומולדה
³וחצר שועל ובלה ועצם
⁴ואלתולד ובתול וחרמה
⁵וצקלג ובית המרכבות וחצר סוסה
⁶ובית לבאות ושרון ערים שלש עשרה וחצריהן
⁷עין רמון ועתר ועשן ערים ארבע וחצריהן
⁸וכל החצרים אשר סביבות הערים האלה עד בעלת באר ראמת נגב זאת נחלת מטה בני שמעון
למשפחתם
⁹מחבל בני יהודה נחלת בני שמעון כי היה חלק בני יהודה רב מהם וינחלו בני שמעון בתוך נחלתם
¹⁰ויעל הגורל השלישי לבני זבולן למשפחתם ויהי גבול נחלתם עד שריד:
¹¹ועלה גבולם לימה ומרעלה ופגע בדבשת ופגע אל הנחל אשר על פני יקנעם
¹²ושב משריד קדמה מזרח השמש על גבול כסלת תבר ויצא אל הדברת ועלה יפייע
¹³ומשם עבר קדמה מזרחה גתה חפר עתה קצין ויצא רמון המתאר הנעה
¹⁴ונסב אתו הגבול מצפון חנתן והיו תצאתיו גי יפתח אל
¹⁵וקטת ונהלל ושמרון וידאלה ובית לחם ערים שתיים עשרה וחצריהן
¹⁶זאת נחלת בני זבולן למשפחותם הערים האלה וחצריהן
¹⁷ליששכר יצא הגורל הרביעי לבני יששכר למשפחותם
¹⁸ויהי גבולם יזרעאלה והכסולת ושונם
¹⁹וחפרים ושיאן ואנחרת
²⁰והרביית וקשיון ואבץ
²¹ורמת ועין גנים ועין חדה ובית פצץ
²²ופגע הגבול בתבור ושחצומה ובית שמש והיו תצאות גבולם הירדן ערים שש עשרה וחצריהן
²³זאת נחלת מטה בני יששכר למשפחתם הערים וחצריהן
²⁴ויצא הגורל החמישי למטה בני אשר למשפחותם
²⁵ויהי גבולם חלקת וחלי ובטן ואכשף
²⁶ואלמלך ועמעד ומשאל ופגע בכרמל הימה ובשיחור לבנת
²⁷ושב מזרח השמש בית דגן ופגע בזבולן ובגי יפתח אל צפונה בית העמק ונעילאל ויצא אל כבול
משמאל
²⁸ועברן ורחב וחמון וקנה עד צידון רבה
²⁹ושב הגבול הרמה ועד עיר מבצר צר ושב הגבול חסה ויהיו תצאתיו הימה מחבל אכזיבה
³⁰ועמה ואפק ורחב ערים עשרים ושתיים וחצריהן
³¹זאת נחלת מטה בני אשר למשפחתם הערים האלה וחצריהן
³²לבני נפתלי יצא הגורל הששי לבני נפתלי למשפחתם

³³ויהי גבולם מחלף מאלון בצעננים ואדמי הנקב ויבנאל עד לקום ויהי תצאתיו הירדן
³⁴ושב הגבול ימה אזנות תבור ויצא משם חוקקה ופגע בזבלון מנגב ובאשר פגע מים וביהודה הירדן
מזרח השמש
³⁵וערי מבצר הצדים צר וחמת רקת וכנרת
³⁶ואדמה והרמה וחצור
³⁷וקדש ואדרעי ועין חצור
³⁸ויראון ומגדל אל חרם ובית ענת ובית שמש ערים תשע עשרה וחצריהן
³⁹זאת נחלת מטה בני נפתלי למשפחתם הערים וחצריהן
⁴⁰למטה בני דן למשפחתם יצא הגורל השביעי
⁴¹ויהי גבול נחלתם צרעה ואשתאול ועיר שמש
⁴²ושעלבין ואילון ויתלה
⁴³ואילון ותמנתה ועקרון
⁴⁴ואלתקה וגבתון ובעלת
⁴⁵ויהד ובני ברק וגת רמון
⁴⁶ומי הירקון והרקון עם הגבול מול יפו
⁴⁷ויצא גבול בני דן מהם ויעלו בני דן וילחמו עם לשם וילכדו אותה ויכו אותה לפי חרב וירשו אותה
וישבו בה ויקראו ללשם דן כשם דן אביהם
⁴⁸זאת נחלת מטה בני דן למשפחתם הערים האלה וחצריהן
⁴⁹ויכלו לנחל את הארץ לגבולתיה ויתנו בני ישראל נחלה ליהושע בן נון בתוכם
⁵⁰על פי יהוה נתנו לו את העיר אשר שאל את תמנת סרח בהר אפרים ויבנה את העיר וישב בה
⁵¹אלה הנחלת אשר נחלו אלעזר הכהן ויהושע בן נון וראשי האבות למטות בני ישראל בגורל בשלה
לפני יהוה פתח אהל מועד ויכלו מחלק את הארץ

הפרק 20

ידבר יהוה אל יהושע לאמר
²דבר אל בני ישראל לאמר תנו לכם את ערי המקלט אשר דברתי אליכם ביד משה
³לנוס שמה רוצח מכה נפש בשגגה בבלי דעת והיו לכם למקלט מגאל הדם
⁴ונס אל אחת מהערים האלה ועמד פתח שער העיר ודבר באזני זקני העיר ההיא את דבריו ואספו
אתו העירה אליהם ונתנו לו מקום וישב עמם
⁵וכי ירדף גאל הדם אחריו ולא יסגרו את הרצח בידו כי בבלי דעת הכה את רעהו ולא שנא הוא לו
מתמול שלשום
⁶וישב בעיר ההיא עד עמדו לפני העדה למשפט עד מות הכהן הגדול אשר יהיה בימים ההם אז
ישוב הרוצח ובא אל עירו ואל ביתו אל העיר אשר נס משם
⁷ויקדשו את קדש בגליל בהר נפתלי ואת שכם בהר אפרים ואת קרית ארבע היא חברון בהר יהודה
⁸ומעבר לירדן יריחו מזרחה נתנו את בצר במדבר במישר ממטה ראובן ואת ראמת בגלעד ממטה
גד ואת גלון בבשן ממטה מנשה
⁹אלה היו ערי המועדה לכל בני ישראל ולגר הגר בתוכם לנוס שמה כל מכה נפש בשגגה ולא ימות
ביד גאל הדם עד עמדו לפני העדה

הפרק 21

יגשו ראשי אבות הלויים אל אלעזר הכהן ואל יהושע בן נון ואל ראשי אבות המטות לבני ישראל¹

וידברו אליהם בשלה בארץ כנען לאמר יהוה צוה ביד משה לתת לנו ערים לשבת ומגרשיהן לבהמתנו²

ויתנו בני ישראל ללויים מנחלתם אל פי יהוה את הערים האלה ואת מגרשיהן³

ויצא הגורל למשפחת הקהתי ויהי לבני אהרן הכהן מן הלויים ממטה יהודה וממטה השמעני וממטה בנימין בגורל ערים שלש עשרה⁴

ולבני קהת הנוותרים ממשפחת מטה אפרים וממטה דן ומחצי מטה מנשה בגורל ערים עשרה⁵

ולבני גרשון ממשפחות מטה יששכר וממטה אשר וממטה נפתלי ומחצי מטה מנשה בבשן בגורל ערים שלש עשרה⁶

לבני מררי למשפחתם ממטה ראובן וממטה גד וממטה זבולן ערים שתיים עשרה⁷

ויתנו בני ישראל ללויים את הערים האלה ואת מגרשיהן כאשר צוה יהוה ביד משה בגורל⁸

ויתנו ממטה בני יהודה וממטה בני שמעון את הערים האלה אשר יקרא אתהן בשם⁹

ויהי לבני אהרן ממשפחות הקהתי מבני לוי כי להם היה הגורל ראישינה¹⁰

ויתנו להם את קרית ארבע אבי הענוק היא חברון בהר יהודה ואת מגרשה סביבתייה¹¹

ואת שדה העיר ואת חצריה נתנו לכלב בן יפנה באחזתו¹²

ולבני אהרן הכהן נתנו את עיר מקלט הרצח את חברון ואת מגרשה ואת לבנה ואת מגרשה¹³

ואת יתר ואת מגרשה ואת אשתמע ואת מגרשה¹⁴

ואת חלן ואת מגרשה ואת דבר ואת מגרשה¹⁵

ואת עין ואת מגרשה ואת יטה ואת מגרשה את בית שמש ואת מגרשה ערים תשע מאת שני השבטים האלה¹⁶

וממטה בנימין את גבעון ואת מגרשה את גבע ואת מגרשה¹⁷

את ענתות ואת מגרשה ואת עלמון ואת מגרשה ערים ארבע¹⁸

כל ערי בני אהרן הכהנים שלש עשרה ערים ומגרשיהן¹⁹

ולמשפחות בני קהת הלויים הנוותרים מבני קהת ויהי ערי גורלם ממטה אפרים²⁰

ויתנו להם את עיר מקלט הרצח את שכם ואת מגרשה בהר אפרים ואת גזר ואת מגרשה²¹

ואת קבצים ואת מגרשה ואת בית חורן ואת מגרשה ערים ארבע²²

וממטה דן את אלתקא ואת מגרשה את גבתון ואת מגרשה²³

את אילון ואת מגרשה את גת רמון ואת מגרשה ערים ארבע²⁴

וממחצית מטה מנשה את תענך ואת מגרשה ואת גת רמון ואת מגרשה ערים שתיים²⁵

כל ערים עשר ומגרשיהן למשפחות בני קהת הנוותרים²⁶

ולבני גרשון ממשפחת הלויים מחצי מטה מנשה את עיר מקלט הרצח את גלון בבשן ואת מגרשה ואת בעשתרה ואת מגרשה ערים שתיים²⁷

וממטה יששכר את קשיון ואת מגרשה את דברת ואת מגרשה²⁸

את ירמות ואת מגרשה את עין גנים ואת מגרשה ערים ארבע²⁹

וממטה אשר את משאל ואת מגרשה את עבדון ואת מגרשה³⁰

את חלקת ואת מגרשה ואת רחב ואת מגרשה ערים ארבע³¹

וממטה נפתלי את עיר מקלט הרצח את קדש בגליל ואת מגרשה ואת חמת דאר ואת מגרשה ואת קרתן ואת מגרשה ערים שלש³²

כל ערי הגרשני למשפחתם שלש עשרה עיר ומגרשיהן³³

ולמשפחות בני מררי הלויים הנוותרים מאת מטה זבולן את יקנעם ואת מגרשה את קרתה ואת מגרשה³⁴

את דמנה ואת מגרשה את נהלל ואת מגרשה ערים ארבע³⁵

וממטה ראובן את בצר ואת מגרשה ואת יחצה ואת מגרשה³⁶

את קדמות ואת מגרשה ואת מיפעת ואת מגרשה ערים ארבע³⁷

³⁸ וממטה גד את עיר מקלט הרצח את רמת בגלעד ואת מגרשה ואת מחנים ואת מגרשה
³⁹ את חשבון ואת מגרשה את יעזר ואת מגרשה כל ערים ארבע
⁴⁰ כל הערים לבני מררי למשפחתם הנותרים ממשפחות הלויים ויהי גורלם ערים שתיים עשרה
⁴¹ כל ערי הלויים בתוך אחזת בני ישראל ערים ארבעים ושמנה ומגרשיהן
⁴² תהיינה הערים האלה עיר עיר ומגרשיה סביבתיה כן לכל הערים האלה
⁴³ ויתן יהוה לישראל את כל הארץ אשר נשבע לתת לאבותם וירשוה וישבו בה
⁴⁴ וינח יהוה להם מסביב ככל אשר נשבע לאבותם ולא עמד איש בפניהם מכל איביהם את כל
איביהם נתן יהוה בידם
⁴⁵ לא נפל דבר מכל הדבר הטוב אשר דבר יהוה אל בית ישראל הכל בא

הפרק 22

א ויקרא יהושע לראובני ולגדי ולחצי מטה מנשה
² ויאמר אליהם אתם שמרתם את כל אשר צוה אתכם משה עבד יהוה ותשמעו בקולי לכל אשר
צויתי אתכם
³ לא עזבתם את אחיכם זה ימים רבים עד היום הזה ושמרתם את משמרת מצות יהוה אלהיכם
⁴ ועתה הניח יהוה אלהיכם לאחיכם כאשר דבר להם ועתה פנו ולכו לכם לאהליכם אל ארץ אחזתכם
אשר נתן לכם משה עבד יהוה בעבר הירדן
⁵ רק שמרו מאד לעשות את המצוה ואת התורה אשר צוה אתכם משה עבד יהוה לאהבה את יהוה
אלהיכם וללכת בכל דרכיו ולשמר מצותיו ולדבקה בו ולעבדו בכל לבבכם ובכל נפשכם
⁶ ויברכם יהושע וישלחם וילכו אל אהליהם
⁷ ולחצי שבט המנשה נתן משה בבשן ולחציו נתן יהושע עם אחיהם מעבר הירדן ימה וגם כי שלחם
יהושע אל אהליהם ויברכם
⁸ ויאמר אליהם לאמר בנכסים רבים שובו אל אהליכם ובמקנה רב מאד בכסף ובזהב ובנחשת
ובברזל ובשלמות הרבה מאד חלקו שלל איביכם עם אחיכם
⁹ וישבו וילכו בני ראובן ובני גד וחצי שבט המנשה מאת בני ישראל משלה אשר בארץ כנען ללכת אל
ארץ הגלעד אל ארץ אחזתם אשר נאחזו בה על פי יהוה ביד משה
¹⁰ ויבאו אל גלילות הירדן אשר בארץ כנען ויבנו בני ראובן ובני גד וחצי שבט המנשה שם מזבח על
הירדן מזבח גדול למראה
¹¹ וישמעו בני ישראל לאמר הנה בנו בני ראובן ובני גד וחצי שבט המנשה את המזבח אל מול ארץ
כנען אל גלילות הירדן אל עבר בני ישראל
¹² וישמעו בני ישראל ויקהלו כל עדת בני ישראל שלה לעלות עליהם לצבא
¹³ וישלחו בני ישראל אל בני ראובן ואל בני גד ואל חצי שבט מנשה אל ארץ הגלעד את פינחס בן
אלעזר הכהן
¹⁴ ועשרה נשאים עמו נשיא אחד נשיא אחד לבית אב לכל מטות ישראל ואיש ראש בית אבותם
המה לאלפי ישראל
¹⁵ ויבאו אל בני ראובן ואל בני גד ואל חצי שבט מנשה אל ארץ הגלעד וידברו אתם לאמר
¹⁶ כה אמרו כל עדת יהוה מה המעל הזה אשר מעלתם באלהי ישראל לשוב היום מאחרי יהוה
בבנותכם לכם מזבח למרדכם היום ביהוה
¹⁷ המעט לנו את עון פעור אשר לא הטהרנו ממנו עד היום הזה ויהי הנגף בעדת יהוה
¹⁸ ואתם תשבו היום מאחרי יהוה והיה אתם תמרדו היום ביהוה ומחר אל כל עדת ישראל יקצף
¹⁹ ואך אם טמאה ארץ אחזתכם עברו לכם אל ארץ אחזת יהוה אשר שכן שם משכן יהוה והאחזו
בתוכנו וביהוה אל תמרדו ואתנו אל תמרדו בבנותכם לכם מזבח מבלעדי מזבח יהוה אלהינו
²⁰ הלוא עכן בן זרח מעל מעל בחרם ועל כל עדת ישראל היה קצף והוא איש אחד לא גוע בעונו
²¹ וייענו בני ראובן ובני גד וחצי שבט המנשה וידברו את ראשי אלפי ישראל

²²אל אלהים יהוה אל אלהים יהוה הוא ידע וישראל הוא ידע אם במרד ואם במעל ביהוה אל תושיענו היום הזה

²³לבנות לנו מזבח לשוב מאחרי יהוה ואם להעלות עליו עולה ומנחה ואם לעשות עליו זבחי שלמים יהוה הוא יבקש

²⁴ואם לא מדאגה מדבר עשינו את זאת לאמר מחר יאמרו בניכם לבנינו לאמר מה לכם וליהוה אלהי ישראל

²⁵וגבול נתן יהוה ביננו וביניכם בני ראובן ובני גד את הירדן אין לכם חלק ביהוה והשביתו בניכם את בנינו לבלתי ירא את יהוה

²⁶ונאמר נעשה נא לנו לבנות את המזבח לא לעולה ולא לזבח

²⁷כי עד הוא בינינו וביניכם ובין דרותינו אחרינו לעבד את עבדת יהוה לפניו בעלותינו ובזבחינו ובשלמינו ולא יאמרו בניכם מחר לבנינו אין לכם חלק ביהוה

²⁸ונאמר והיה כי יאמרו אלינו ואל דרתינו מחר ואמרנו ראו את תבנית מזבח יהוה אשר עשו אבותינו לא לעולה ולא לזבח כי עד הוא בינינו וביניכם

²⁹חלילה לנו ממנו למרד ביהוה ולשוב היום מאחרי יהוה לבנות מזבח לעלה למנחה ולזבח מלבד מזבח יהוה אלהינו אשר לפני משכנו

³⁰וישמע פינחס הכהן ונשיאי העדה וראשי אלפי ישראל אשר אתו את הדברים אשר דברו בני ראובן ובני גד ובני מנשה וייטב בעיניהם

³¹ויאמר פינחס בן אלעזר הכהן אל בני ראובן ואל בני גד ואל בני מנשה היום ידענו כי בתוכנו יהוה אשר לא מעלתם ביהוה המעל הזה אז הצלתם את בני ישראל מיד יהוה

³²וישב פינחס בן אלעזר הכהן והנשיאים מאת בני ראובן ומאת בני גד מארץ הגלעד אל ארץ כנען אל בני ישראל וישבו אותם דבר

³³וייטב הדבר בעיני בני ישראל ויברכו אלהים בני ישראל ולא אמרו לעלות עליהם לצבא לשחת את הארץ אשר בני ראובן ובני גד יושבים בה

³⁴ויקראו בני ראובן ובני גד למזבח כי עד הוא בינתינו כי יהוה האלהים

הפרק 23

1יהי מימים רבים אחרי אשר הניח יהוה לישראל מכל איביהם מסביב ויהושע זקן בא בימים

²ויקרא יהושע לכל ישראל לזקניו ולראשיו ולשפטיו ולשטריו ויאמר אלהם אני זקנתי בימים ואתם ראיתם את כל אשר עשה יהוה אלהיכם לכל הגוים האלה מפניכם כי יהוה אלהיכם הוא הנלחם לכם

⁴ראו הפלתי לכם את הגוים הנשארים האלה בנחלה לשבטיכם מן הירדן וכל הגוים אשר הכרתי והים הגדול מבוא השמש

⁵ויהוה אלהיכם הוא יהדפם מפניכם והוריש אתם מלפניכם וירשתם את ארצם כאשר דבר יהוה אלהיכם לכם

⁶וחזקתם מאד לשמר ולעשות את כל הכתוב בספר תורת משה לבלתי סור ממנו ימין ושמאל

⁷לבלתי בוא בגוים האלה הנשארים האלה אתכם ובשם אלהיהם לא תזכירו ולא תשביעו ולא תעבדום ולא תשתחוו להם

⁸כי אם ביהוה אלהיכם תדבקו כאשר עשיתם עד היום הזה

⁹ויורש יהוה מפניכם גוים גדלים ועצומים ואתם לא עמד איש בפניכם עד היום הזה

¹⁰איש אחד מכם ירדף אלף כי יהוה אלהיכם הוא הנלחם לכם כאשר דבר לכם

¹¹ונשמרתם מאד לנפשתיכם לאהבה את יהוה אלהיכם

¹²כי אם שוב תשובו ודבקתם ביתר הגוים האלה הנשארים האלה אתכם והתחתנתם בהם ובאתם בהם והם בכם

¹³ידוע תדעו כי לא יוסיף יהוה אלהיכם להוריש את הגוים האלה מלפניכם והיו לכם לפח ולמוקש

ולשטט בצדיכם ולצננים בעיניכם עד אבדכם מעל האדמה הטובה הזאת אשר נתן לכם יהוה אלהיכם

¹⁴ והנה אנכי הולך היום בדרך כל הארץ וידעתם בכל לבבכם ובכל נפשכם כי לא נפל דבר אחד מכל הדברים הטובים אשר דבר יהוה אלהיכם עליכם הכל באו לכם לא נפל ממנו דבר אחד:

¹⁵ והיה כאשר בא עליכם כל הדבר הטוב אשר דבר יהוה אלהיכם אליכם כן יביא יהוה עליכם את כל הדבר הרע עד השמידו אותכם מעל האדמה הטובה הזאת אשר נתן לכם יהוה אלהיכם

¹⁶ בעברכם את ברית יהוה אלהיכם אשר צוה אתכם והלכתם ועבדתם אלהים אחרים והשתחוויתם להם וחרה אף יהוה בכם ואבדתם מהרה מעל הארץ הטובה אשר נתן לכם

הפרק 24

יאסף יהושע את כל שבטי ישראל שכמה ויקרא לזקני ישראל ולראשיו ולשפטיו ולשטריו ויציבו לפני האלהים

² ויאמר יהושע אל כל העם כה אמר יהוה אלהי ישראל בעבר הנהר ישבו אבותיכם מעולם תרח אבי אברהם ואבי נחור ויעבדו אלהים אחרים

³ ואקח את אביכם את אברהם מעבר הנהר ואולך אותו בכל ארץ כנען וארב את זרעו ואתן לו את יצחק

⁴ ואתן ליצחק את יעקב ואת עשו ואתן לעשו את הר שעיר לרשת אותו ויעקב ובניו ירדו מצרים

⁵ ואשלח את משה ואת אהרן ואגף את מצרים כאשר עשיתי בקרבן ואחר הוצאתי אתכם

⁶ ואוציא את אבותיכם ממצרים ותבאו הימה וירדפו מצרים אחרי אבותיכם ברכב ובפרשים ים סוף:

⁷ ויצעקו אל יהוה וישם מאפל ביניכם ובין המצרים ויבא עליו את הים ויכסהו ותראינה עיניכם את אשר עשיתי במצרים ותשבו במדבר ימים רבים

⁸ ואביאה אתכם אל ארץ האמרי היושב בעבר הירדן וילחמו אתכם ואתן אותם בידכם ותירשו את ארצם ואשמידם מפניכם

⁹ ויקם בלק בן צפור מלך מואב וילחם בישראל וישלח ויקרא לבלעם בן בעור לקלל אתכם

¹⁰ ולא אביתי לשמע לבלעם ויברך ברוך אתכם ואצל אתכם מידו

¹¹ ותעברו את הירדן ותבאו אל יריחו וילחמו בכם בעלי יריחו האמרי והפרזי והכנעני והחתי והגרגשי החוי והיבוס ואתן אותם בידכם

¹² ואשלח לפניכם את הצרעה ותגרש אותם מפניכם שני מלכי האמרי לא בחרבך ולא בקשתך:

¹³ ואתן לכם ארץ אשר לא יגעת בה וערים אשר לא בניתם ותשבו בהם כרמים וזיתים אשר לא נטעתם אתם אכלים

¹⁴ ועתה יראו את יהוה ועבדו אתו בתמים ובאמת והסירו את אלהים אשר עבדו אבותיכם בעבר הנהר ובמצרים ועבדו את יהוה

¹⁵ ואם רע בעיניכם לעבד את יהוה בחרו לכם היום את מי תעבדון אם את אלהים אשר עבדו אבותיכם אשר בעבר הנהר ואם את אלהי האמרי אשר אתם ישבים בארצם ואנכי וביתי נעבד את יהוה

¹⁶ ויען העם ויאמר חלילה לנו מעזב את יהוה לעבד אלהים אחרים

¹⁷ כי יהוה אלהינו הוא המעלה אתנו ואת אבותינו מארץ מצרים מבית עבדים ואשר עשה לעינינו את האתות הגדולות האלה וישמרנו בכל הדרך אשר הלכנו בה ובכל העמים אשר עברנו בקרבם

¹⁸ ויגרש יהוה את כל העמים ואת האמרי ישב הארץ מפנינו גם אנחנו נעבד את יהוה כי הוא אלהינו

¹⁹ ויאמר יהושע אל העם לא תוכלו לעבד את יהוה כי אלהים קדשים הוא אל קנא הוא לא ישא לפשעכם ולחטאותיכם

²⁰ כי תעזבו את יהוה ועבדתם אלהי נכר ושב והרע לכם וכלה אתכם אחרי אשר היטיב לכם

²¹ ויאמר העם אל יהושע לא כי את יהוה נעבד:

²² ויאמר יהושע אל העם עדים אתם בכם כי אתם בחרתם לכם את יהוה לעבד אותו ויאמרו עדים

²³ועתה הסירו את אלהי הנכר אשר בקרבכם והטו את לבבכם אל יהוה אלהי ישראל

²⁴ויאמרו העם אל יהושע את יהוה אלהינו נעבד ובקולו נשמע

²⁵ויכרת יהושע ברית לעם ביום ההוא וישם לו חק ומשפט בשכם

²⁶ויכתב יהושע את הדברים האלה בספר תורת אלהים ויקח אבן גדולה ויקימה שם תחת האלה אשר במקדש יהוה

²⁷ויאמר יהושע אל כל העם הנה האבן הזאת תהיה בנו לעדה כי היא שמעה את כל אמרי יהוה אשר דבר עמנו והיתה בכם לעדה פן תכחשון באלהיכם

²⁸וישלח יהושע את העם איש לנחלתו

²⁹ויהי אחרי הדברים האלה וימת יהושע בן נון עבד יהוה בן מאה ועשר שנים

³⁰ויקברו אתו בגבול נחלתו בתמנת סרח אשר בהר אפרים מצפון להר געש

³¹ויעבד ישראל את יהוה כל ימי יהושע וכל ימי הזקנים אשר האריכו ימים אחרי יהושע ואשר ידעו את כל מעשה יהוה אשר עשה לישראל

³²ואת עצמות יוסף אשר העלו בני ישראל ממצרים קברו בשכם בחלקת השדה אשר קנה יעקב מאת בני חמור אבי שכם במאה קשיטה ויהיו לבני יוסף לנחלה

³³ואלעזר בן אהרן מת ויקברו אתו בגבעת פינחס בנו אשר נתן לו בהר אפרים